



# DEO OPTIMO MAX. UNI ET TRINO,

VIRGINI DEI-PARÆ, ET S. LUCÆ,  
Orthodoxorum Medicorum Patrono.

## QUÆSTIO MEDICO-CHIRURGICA,

QUOD LIBETARIIS DISPUTATIONIBUS,  
*manè discutienda, in Scholis Medicorum, die Martis primâ mensis  
Martii, anno Domini M. DCC. LXVIII.*

M. CÆSARE COSTE, Censore Regio,  
Doctore Medico, Præsîde.

*An inter apostemata, pauca ferro sunt aperienda? \**

### I.



OMINEM, dum vivit, non solum intus cruciari mille morbis,  
sed & extrâ, affectibus numero penè infinitis deturpari, nil mi-  
reris. Tumoribus omnis generis, omnis speciei, miserè obnoxia  
humana cutis. Pro diversâ affluente materiâ, aut excretâ aut propul-  
sâ, diversâ tumorum aut indolis aut naturâ. Ubicumquè (vi  
morbi) naturalem cutis superficiem attollere cœpit appulsus hum-  
mor quicumque; tunc moles ista, tumor audit. Singulos sanguinis humores, seor-

\* M. LUDOV. HYERONIMO COSNIER Theosof. Authore.



sim modò, modò conjunctim sub cutè latitantes incuneari, congeri, imò vasis ruptis inibi expandi, putrefieri, nec novum nec infrequens. Humor quique, seu devius à suâ sede solùmmodò, seu simul à suâ naturali crasi degener, sub aliquâ cutis parte gliscens, concretescens, tubere se manifestum facit. Propriâ quodammodo formâ, tumor quivis venit conspiciendus. Ab humoris vitio aut situ, plerumquè nomen habet. Tumor omnis, aut sui fert resolutionem, si modò per vasa iter de novo petere humori datum sit; aut ablationem sui exposcit, si peregrinus humor reorberi à vasis, & sanguinis fluento denuò misceri nequeat. In priore casu resolventibus medicamentis, externis interioribusq; aut Naturâ solâ, curatio perficitur: in altero, arte opus est; hæc ars, Chirurgica est. At ne credas Chirurgiam, igne & ferro semper torquere membra. Quod Naturam turbat vexatque, procul amovere, Chirurgi opus est. Quod Natura sola, tutò & per se sanare potest, illi relinquendum; & si quo indiget adjuvamento, est in suppellectile Pharmaceuticâ, unde adjuvetur.

## I I.

**A**πσίημα tumorem dicito rotundum, tactui, ipsisque oculis obvium. Calorem habet individuum comitem; colorem quoquè plus minus in ambitu rubeum, prout cuti vicinior aut ab ipsâ remotior, cuius attendenti exhibet. Ardore continuo, & in dies magis ac magis crescente, ægrum cruciat non sine dolore hunc pungente, nunc lancinante. Urget, invalescitque dolor ille ad maturationis usque tempora; eâ peractâ, mitescunt omnia, tactuque mollius percipitur apostema, sensimque & in dies pleniori mollitie, tangenti se offert contractandum. Tunc Chirurgi ad opus se accingunt, ferrum festinanter arripiunt; Sed heu, quàm infausto sæpè eventu! rationem quæris? Natura parùm auscultatur, ad ejus leges parùm attenditur, nec satis curæ est pendere, quo ritu omnia sua munia obeat, quibus impedimentis in agendo interpelletur, quâ virtute, omne noxium corrigere, à partibus nobilioribus in partes ignobiliores rejicere aut prorsus foras eliminare satagat; quàm multiplici viâ se liberet ab iis quæ suam œconomiam turbare valent, quâ sagacitate fracta erigatur. Ea succos in apostema nocivos abigit, congestos digerit, concoquit, maturat. Vulnerum quin & eadem una medicatrix. Quid igitur Chirurgus in utrumque curatione? Natura minister; ferendo nempe subsidium nutui ejus & voto, ministrum se præbet ad ipsius mentem; nihil agendo ubi nihil agendum; secando ubi secandum innuit; amovendo ferrum & instrumenti genus omne, statim ac & quotiescumque vetat admovendum.

## I I I.

**I**N plerisque igitur apostematum, Natura per se sola, totum opus perficit, digerit materiam, eidem exitum præbet, fordes detergit, scarolam promovet, cicatricem obducit. Refragas? vade ad Plebeios, vel quos res angusta domi, vel quos ferramentorum pavor, ab omnibus præsidis arceat; en me, inquiet, eorum unusquisque, sanatum vides absque Chirurgiæ ope. Nec tibi moveat admirationem talis sanatio; ferrum, Natura inimicum: in apostematibus expurgandis, detergendis, & ad cicatricem perducendis moram facit & impedimentum. Abscessus omnis, discussionis spe omni elapsâ, scilicet maturationem tractanti relinquit promovendam, suppurationem vocant. Colliquatio quædam est hæc suppuratio, seu partis rubræ sanguinis in colorem album immutatio, commixta prius (digestione quâdam) cum seroso-lymphaticâ sanguinis parte; laudabilis erit & salutifera, si materia hinc enata, albam se offerat & æqualem

absque fetore. Hanc promove citius, urge pro viribus; periculum enim in morâ. Cuti quò vicinior erit puris copia, eò felicior exitus futurus; imò, ut in pariem veniat ipsa cutis, enixè labora; cutis præcipuè pars magis declivis: ea sola putrefacta, materiæ purulentæ exitum parabit. Nec te moveat aperta parci; seu à Naturâ solâ, seu maturantium ope facta. Integram purulentam materiæ foràs amandabit sola loci declivitas. Salvâ reliquâ cutis parte apostema subtegente, abscessûs interiora tuta sunt ab aëris injuriâ. Vulneri omni, insensibilis aër; fermentationis omnis extraneæ, corruptionis putredinisque parens ille. Apostemati circumstrata cutis, emplastrum Naturæ amicum. Deterfio puris, Naturæ opus est. Carnis nova generatio ex solo Naturæ censu. Cicatricem, ejecto pure quis format nisi Natura? Quis pulchriorem perfecit unquàm? Ne igitur, ferri ope, in apostematis omnibus indiscriminatim, patientiorem viam aëri facias, nec erubescas ægri bonis rebus magis consulere, quàm legi heu nimium receptæ, jam dudum antiquandæ.

## I V.

**L**ANCEOLA, instrumentum anceps, à quo vita aut mors; prudentis ided Medici regenda consilio, periti tractanda manu Chirurgi. Tumorem omnem perpende accersitus. Situm, naturam, characterem explora apostematis, & causam; nec satis est; ætatem, sexum, temperamentum habe diligenter perspecta; nec-non totius massæ sanguinæ crasim præsentem, imminentemve. Ex eâ probè cognitâ, quid agendum sit, quid non intelliges. Tunc omnibus indiscriminatim apostematis ferrum admovere religio erit. Faciei, collo, temporibus & mammis parce; at imprimis fave sexui, & infantili ætati aut juvenili; sexui, venustatis gratiâ; ætati teneræ, ob succorum eucasiam; horum succi, rariûs degeneres à suâ crasi, solâ sæpius peccant luxuriâ; suppurationem patiuntur dulcem, simplicem, innocuam, cujus exitum Natura parat sola, favente fibrarum mollitie. Exitus puri semel paratus, etsi parciore; sanatio est. Exitum, si tardior, accelera obtegeudo partem rupturæ propiorem. Obtege humidis, qualia sunt succi herbacei, aut soli aut fermento mixti, aut melle, aut omnibus simul; non spernanda liliorum bulbosa radix & capæ coctæ prius, aut inter cineres, aut in aquâ ebulliente, cum micâ secalini panis comixtæ & applicatæ; his humescunt fibræ cutis foris ut intûs, citiusque putrescunt, solutioni sic promptiores evadunt. Non absimili virtute pollent emplastra plurima aut unguenta, ut emplastrum divinum, aut diachylon verum cum gummi, emplastrum de meliloto, aliaque ejus energiæ quàmplurima. Deterfionem si fortè requirit sordium illuvies, tunc hordei decoctio tantilla, omne serat fermè punctum, iteratis vicibus per fistulam injecta. Temperamento sanguineis promptior faciliorque suppuratio. Ætas provectior aut senilior, duriores strictioremque præ se fert fibrarum texturam, solutu difficilior em. Emollientia jam enarrata scopum pertingunt oleosis commixta & diutius usurpata. Hæc methodo Naturæ amicâ, plerisque apostematum medelam afferes, ferrique incommoda vitabis.

## V.

**E**RGO, inquires, nullum apostema, sectione curandum? absit. Nonnunquàm sectio salutaris, imò necessaria. At facilius, addes, sectione factâ tractaretur, sanaretur tutius. Utrumque negat ratio. Experientia refragatur. Sectio, multa secum invehit mala; secantur pretiosa plurima cujuscumque generis vasa, aliâ non rumpenda; hinc succorum copiosior expansio pedisse-

qua; hinc suppuratio abundantior futura. Grave aliud secum importat incommodum sectio facta apostematis; suppurantium formidanda series pressis pede sequitur; hæc fundunt, liquant plus æquo; imò, pervertunt frequentius ipsam puris laudabilis texturam naturalem; è dulci acrem, ex insipidâ acidam fecit, alio quovis vitio contaminavit non rarò suppurantium dira libido, aut ordo perverfus. In sarcoli promovendâ, errores quàmplurimi; alii, gradu præcipiti nimis, in eam ruunt, dâra nimia morâ eidem invigilant alii. Nunquàm sarcofis sit inæqualis; fungosa sæpè & flaccida; nec firma satis rubraque & optimè carnea. En ubi vocantur in auxilium caustica; en lapidis infernalis triumphus: at quàm fallax eorum usus? quàm benè tunc cum ægro ageretur si ea intus, plus damni, quàm doloris forinsecus non attulerent? Absit tamen ut interdicatur sectio in apostemate profundius firo, ubi cutis nec affici nec putrefieri poterit simul cum apostemate; & ubi merus erit neferpat materia subitis contenta, modò sinuolum ulcus, fistulosum modò aut cancrosum formatura. Secare licet in omni tumore apostematode maligno; in carbunculo aut anthrace, si urgeat præsentia periculi. Seca quodcumque apostema sphacelo aut gangrænâ stipatum, ni citò utrumque detur discutere efficaciaci aliquo pharmaco & tuto. In omnium autem apostematum amplâ & quotidianâ multitudine quàm pauca hujusce naturæ se offerant curanda, praxis evincit.

*Ergò inter apostemata, pauca ferro sunt aperienda.*

## DOMINI DOCTORES DISPUTATURI.

<i>M. Edmundus - Thomas</i> MOREAU.	<i>M. Petrus - Ludovicus -</i> Maria MALOET.	<i>M. Bernardus - Nicolaus</i> BERTRAND.
<i>M. Joannes - Baptista</i> THURANT,	<i>M. Alexander - Dionysius</i> DIENERT.	<i>M. Stephanus - Ludovicus</i> GEOFFROY, Regi à Consiliis & Secretis & Societatis Botanica Flo- rentina Socius.
<i>M. Ludovicus - Petrus - Fe-</i> lix - Renatus LETHIEU- LIER, Regis Consilia- rius & in majori Consilio, nec non in magnâ Regie domus & Franciæ Præfectorum Medicus or- dinarius.	<i>M. Carolus - Geille DE</i> S. LEGER, Eques, Con- siliarius Medicus Regis ordinarius, primi ordi- nis & totius Equestris agminis in Exercitu Medicus primarius.	<i>M. Dionysius PAUTIER</i> DE LABREVILLE, S. Delphina dum viveret, Medicus primarius.

Proponebat Parisiis AMBROSIVS-AVGVSTVS BELANGER Parisinus, Doctor  
Medicus Remensis, Saluberrimæ Facultatis Medicinæ Parisiensis Baccalaureus,  
A. R. S. H. 1768. à sextâ ad meridiem.

Typis QUILLAV, Universitatis & Facult. Medic. Typographi, 1768.